

ils se servent à enduire leurs bateaux, lesquels elle conserve contre les vers par le moyen de son amertume. Il y croist aussi beaucoup de bois de Gajac propre à la cure de la Variole & autres maladies. Ceste Isle a esté descouverte par Christofle Colomb en son deuxiesme voyage aux Indes Occidentales.

Opinioⁿ des
habitans
touchant
l'immorta-
lité des E-
spagnols.

C'est des habitans de ceste Isle qu'on raconte qu'à la premiere arrivée des Espagnols ils les tenoyent estre immortels: ceque pour sçavoir par experience l'un de leurs Caciques nommé Vraioa de Vaquara fit prendre un Espagnol lequel il fit plonger en vne riviere, & l'y tenir quelque espace pour voir s'il demeureroit vivant ou non: mais comme il luy advint de mourir estant apporté devant le Roy il apperceut bien qu'il en estoit autrement qu'il navoit cuidé: ce qui l'enhardit à leur faire resistance pour un coup en occit 150. qui estoient empeschez à chercher de l'or.

S. Croix, Hay, Hay.

Isle de S.
Croix iadis
habitee de
Canebales.

DE Boriquenon vient à l'Isle de S. Croix, iadis par les habitans appelée Hay, Hay, laquelle estoit habitee de Canibales mangeurs d'hommes, comme pareillement la prochaine Isle de Guadalupea, qu'ils nommoient Quiera: lesquelles Canibales ou Caribes avoyent en peu de temps enlevé & mangé cinq mille personnes des Isles circonvoisines. De la on vient à plusieurs autres Isles emmoncees comme un Archipelague, plusieurs desquels sont nommees de noms se rapportans à leur forme comme Anguilla qui est une longue Isle estroite & oblique de la façon d'une anguille. Redonda Mavia qui est une autre Isle fort ronde: Monte Serrato, une autre Isle enferme de hautes montagnes tout autour. Il y en a d'autres qui portent noms de Saints & Saintes, comme S. Martin, S. Barthelemy, S. Barbe, & autres toutes d'une rangée fort belles à voir, les unes vertes, pour les pasturages qui y sont, autres rouges, autres bleues, jaunes, violettes, laquelle diversité fait à bon droit esmerveiller ceux qui y passent.

Diverses
Isles.

Guadalupea.

Estendue &
situatioⁿ de
Guadalu-
pea.

Pres de l'Isle Antiqua git Guadalupea qui est la principale & plus grande Isle habitee de Canibales à quatre degrez de hauteur: Son circuit est de 130 lieues, & est divisée par deux courans comme l'Angleterre & l'Ecosse, de sorte qu'il semble que ce soit comme deux Isles: Elle a beaucoup de havres de marque, & tient son nom de Nostre Dame de Guadalupea: elle est pleine de bourgs & Villages, chacun de 20 ou 36 maisons faites de grands poteaux de bois de Chesne assemblez en rond, & joint par autres pierres plus petites qui servent à les tenir fermes: la faïste est fait en forme de tente, & est couvert de feuilles de Palmier contre la pluie: ils estendent par dedans d'un poteau à l'autre des cordes faites de coton ou de iones, sur lesquelles ils posent des Matras de Coron, & des lits pendans pour y coucher.

Perro-
quets.

Gomme
blanche.

Divers
fruits.

Ceste Isle a sept belles Rivieres: il s'y trouve de beaux & grands Perroquets differents des autres, rouges devant & derriere avec longues plumes: les ailes marquées de rouge, aucunes de jaune, autres de bleu entremêlé. Il y croist une espece de Gomme blanche appelée Anime, non dissimblable au Barukeen blanc, de laquelle si on se parfume la teste, cela sert à chasser les rheumes & refroidissemens. Le mesme arbre produit un fruit comme Dattes longues d'un espan qui ont une blanche & douce poulpe. Ils le gardent pour l'hiver comme nous faisons les Chastaignes. Ces arbres ressemblent au Figuier. Outre ce fruit là, ils ont en la mesme Isle toute sorte de fruits de

de l'
pour
& là
plan
extra
habi
vont
men
trou

E
git C
rega
rans
gran
A
Tod
Esku
Les
dang
Pl
iour
qu'a
ve e
que
zon
fils
ste
Isle
S.L
R
nom
a ca
An
& C

est
I
lieu
I
Pal
I
Cr
gr
Pa
res